

## SAMNINGUR

Akureyrarbæjar, ~~Dalvíkurbyggð~~, Eyjafjarðarsveitar, Grýtubakkahrepps, Hörgársveitar, Langesbyggðar, Norðurþings, Svalbarðsstrandahrepps, Tjörneshrepps og Þingeyjarsveitar um Barnaverndarþjónustu á Norðurlandi eystra.

1. gr.

*Umdæmi Barnaverndarþjónustu á Norðurlandi eystra.*

Sveitarfélögin Akureyrarbær, ~~Dalvíkurbyggð~~, Eyjafjarðarsveit, Grýtubakkahreppur, Hörgársveit, Langesbyggð, Norðurþing, Svalbarðsstrandahreppur, Tjörneshreppur og Þingeyjarsveit reka saman Barnaverndarþjónustuna á Norðurlandi eystra. Um þjónustuna giltu áður þrír samningar um barnaverndarþjónustu Eyjafjarðar, milli Akureyrarbæjar og Dalvíkurbyggðar, milli Akureyrarbæjar og Eyjafjarðarsveitar, Grýtubakkahrepps, Hörgársveitar og Svalbarðsstrandahrepps og að lokum milli Akureyrarbæjar og Langesbyggðar, Norðurþings, Tjörneshrepps og Þingeyjarsveitar. Með gildistöku samnings þessa falla þeir samningar úr gildi. Helsta breytingin felst í því að með samningi þessum mun allt barnaverndarstarfsfólk aðildarsveitarfélaganna vera með ráðningasamband við Akureyrarbæ. Kostnaðarforsendur sveitarfélaganna verða því þær sömu og er Akureyrarbær leiðandi sveitarfélag og fer með yfirstjórn barnaverndarþjónustunnar.

Samkvæmt Hagstofu Íslands þann 1. janúar 2024 var sameiginlegur íbúafjöldi þessara ~~tíu~~nú sveitarfélaga ~~29.601~~ manns. Framangreind sveitarfélög mynda sameiginlegt umdæmi á Norðaur~~ur~~landi eystra um barnaverndarþjónustu og uppfylla skilyrði 1. mgr. 11. gr. barnaverndarlaga um lágmarks íbúafjölda. Þjónustusvæðið er ekki sjálfstæður lögaðili.

Framangreind sveitarfélög eru öll aðilar að samningi um rekstur umdæmisráðs Landsbyggða, sem gerður var með vísan til 14. gr. barnaverndarlaga nr. 80/2002.

2. gr.

*Aðild, lagagrundvöllur og leiðandi sveitarfélag.*

Með samningi þessum gera Akureyrarbær, ~~Dalvíkurbyggð~~, Eyjafjarðarsveit, Grýtubakkahreppur, Hörgársveit, Langesbyggð, Norðurþing, Svalbarðsstrandahreppur, Tjörneshreppur og Þingeyjarsveit með sér samning um sameiginlegt þjónustusvæði í barnavernd gegn greiðslu, sbr. 4. gr. samnings þessa.

Samningur þessi er gerður með vísan til 10., 11. og 12. gr. barnaverndarlaga þar sem fjallað er um umdæmi barnaverndarþjónustu og 96. gr. sveitarstjórnarlaga nr. 138/2011. Við útreikninga skv. 4. gr. samnings þessa er tekið mið af íbúafjölda hvers sveitarfélags miðað við 1. janúar ár hvert.

Samningur þessi tekur gildi við birtingu hans í stjórnartíðindum og eigi síðar en 1. janúar 2025, að fenginni staðfestingu sveitarstjórna aðildarsveitarfélaganna og mennta- og barnamálaráðherra. Akureyrarbær er leiðandi sveitarfélag í umdæminu í skilningi 96. gr. sveitarstjórnarlaga nr. 138/2011 og hefur þegar tekið yfir verkefni samkvæmt samningi þessum, sbr. fyrri samninga.

Aðilar skuldbinda sig til þess að hafa gagnvirk samráð um ákvarðanir innan þessa samstarfs sem hafa áhrif á fjárhagslegar skuldbindingar aðildarsveitarfélaganna eða leiða til verulegra breytinga á veittri þjónustu í málaflokknum.

Akureyrarbær ber ábyrgð á Barnaverndarþjónustu á Norðurlandi eystra sbr. barnaverndarlög nr. 80/2002. Akureyrarbær ber jafnframt ábyrgð á fullnaðarafgreiðslu barnaverndarmála á starfssvæði samningsins. Akureyrarbær ber ábyrgð á að hafa á að skipa hæfu starfsfólki, sbr. barnaverndarlög nr. 80/2002, vegna vinnslu mála hjá barnaverndarþjónustunni í heild.

**Gerði athugasemd [HH1]:** Meta hvort ég færi í aðra grein og útskýri betur

**Gerði athugasemd [HH2R1]:** Held það se ok að hafa þetta hér og svo verður víðauki við þennan samning óbreyttur samningur í 1 ár við Dalvíkurbyggð? Aðrar hugmyndir?

Sveitarstjórnir allra samningsaðila hafa staðfest samþykkt þar sem vald til fullnaðarafgreiðslu mála samkvæmt barnaverndarlögum er falið tilgreindum starfsmönnum Barnaverndarþjónustu á Norðurlandi eystra auk umboðs til könnunar, meðferðar og ákvarðanatöku í barnaverndarmálum og öðrum málum þar sem barnaverndarþjónusta fer lögum samkvæmt með ákvörðunarvald, sbr. meðfylgjandi samþykktir með vísan til 3. mgr. 12. gr. barnaverndarlaga nr. 80/2002, sem eru ófrávikjanlegur hluti samnings þessa.

Ekki er þörf á staðfestingu á ákvörðun um framkvæmd verkefnis með vísan til 6. liðar 4. mgr. 96. gr. sveitarstjórnarlaga nema þess sé sérstaklega getið í samningi þessum.

Það er sameiginlegur vilji aðildarsveitarfélaganna að jafnræðis sé gætt í vinnu með börnum og fjölskyldum þeirra óháð búsetu þeirra.

### 3. gr.

#### *Verkefni Barnaverndarþjónustu á Norðurlandi eystra.*

Með samningi þessum um Barnaverndarþjónustu á Norðurlandi eystra fela ~~Dalvíkurbyggð, Eyjafjarðarsveit, Grýtubakkahreppur, Hörgársveit, Langanesbyggð, Norðurþing, Svalbarðsstrandarhreppur, Tjörneshreppur og Þingeyjarsveit Akureyrarbæ~~ að annast fyrir sig verkefni barnaverndarþjónustu samkvæmt 10. gr. barnaverndarlaga. Fagleg ábyrgð og ákvarðanatöku er hjá Akureyrarbæ, sbr. 96. gr. sveitarstjórnarlaga nr. 138/2011. Starfsfólk barnaverndarþjónustunnar mun allt heyra undir Akureyrarbæ og fer Akureyrarbæjr því með fullt og ótakmarkað umboð til þess að taka ákvarðanir í málum sem heyra undir samninginn.

Barnaverndarþjónustan á Norðurlandi eystra undirbýr og fer fram á úrskurð umdæmisráðs vegna mála sem lúta úrskurðarvaldi ráðsins.

Barnaverndarþjónustan á Norðurlandi eystra setur reglur um veitingu fjárstyrks vegna málsmeðferðar hjá barnaverndarþjónustunni til greiðslu lögmannsaðstoðar, sbr. 47. gr. barnaverndarlaga nr. 80/2002.

Ef breytinga er þörf, t.d. á regluverki skal málið fara til umsagnar velferðarráðs Akureyrarbæjar, ~~félagsmálaráð Dalvíkurbyggðar velferðar og fræðslunefndar Langanesbyggðar, fjölskylduráðs Norðurþings, fræðslu- og velferðarnefndar Þingeyjarsveitar, hreppsnefndar Tjörnbyggðar~~ og til sveitarstjórnar Eyjafjarðarsveitar, Grýtubakkahrepps, Hörgársveitar og Svalbarðsstrandarhrepps.

Aðildarsveitarfélögin fjalla um stefnumótun þjónustunnar, almennan rekstur, starfsáætlun, rekstraryfirlit sem og fjárhagsáætlun. Þegar slík mál eru lögð fyrir velferðarráð Akureyrarbæjar skal málið einnig lagt fram til umsagnar í sveitarstjórn hjá öðrum aðildarsveitarfélögum.

Starfsfólk barnaverndarþjónustu á Norðurlandi eystra myndar barnaverndarteymi sem annast barnaverndarþjónustu og ráðgjöf á grundvelli barnaverndarlaga.

Starfsfólk barnaverndarþjónustu annast móttöku á barnaverndartilkynningum og skráningum þeirra í sameiginlegan barnaverndargrunn og annast úrvinnslu þeirra í samráði við yfirmann barnaverndarþjónustu.

Barnaverndarteymi heldur að jafnaði tvo fundi í viku, tilkynningarfund og meðferðarfund. Yfirmaður barnaverndarþjónustu Akureyrarbæjar ber ábyrgð á og stýrir fundunum. Fundirnir eru til þess að ákvarða málsmeðferð og taka ákvarðanir í einstaka málum sem starfsmenn framfylgja. Fundina sitja starfsfólk barnaverndarþjónustu og eftir atvikum lögfræðingur velferðarsviðs Akureyrarbæjar.

Gerði athugasemd [HH3]: Hversu langt þarf ég að fara í að breyta samþykktunum fyrst Dalvík er enn inni?

4. gr.

*Kostnaðarskipting.*

Sérkostnaður hvers aðildarsveitarfélags:

Kostnaður vegna fósturráðstafana og vistana á einkaheimilum til lengri og skemmri tíma, ~~stuðningsfjölskyldnasem og stuðningsfjölskylda, tilsjónar- og fjölskyldustuðningur inn á heimili.~~ Einnig sérstaklega stórir kostnaðarliðir eins og málskostnaður á æðra dómstigi, forsjarhæfnimat og annað eftir atvikum í samráði milli forstöðumanns barnaverndarþjónustu velferðarsviðs Akureyrarbæjar og sveitarstjóra viðeigandi aðildarsveitarfélags.

Forstöðumaður barnaverndarþjónustu skal með góðum fyrirvara gera viðeigandi aðildarsveitarfélagi grein fyrir væntanlegum kostnaði sem kemur til með að falla á viðkomandi sveitarfélag vegna þessa sérkostnaðar.

Sameiginlegur kostnaður sem skiptist eftir íbúafjölda aðildarsveitarfélaga:

- Yfirstjórn og öll stjórnýsla er snýr að barnaverndarþjónustunni.
- Móttaka og umsýsla barnaverndartilkynninga.
- Ákvarðanataka og ábyrgð á vinnslu barnaverndarmála.
- Lögfræðiþjónusta í barnavernd, þ.e. ráðgjöf, framfylgd mála vegna ákvarðana umdæmisráðs Landsbyggða og dómsmál á fyrsta dómstigi.
- Styrkur til aðila barnaverndarmáls til greiðslu lögmannsaðstoðar
- ~~Allur kostnaður vegna úrræða og stuðnings, þar með talið sérfræðiskostnaður og sálfræðiþjónusta. Auk þjónustu sem telst til utan heimilis~~ Annar kostnaður sem kemur til vegna úrræða og stuðnings á grundvelli barnaverndarlaga, svo sem sálfræðiviðtöl, markþjálfun, eftirlit, tilsjón og fjölskyldustuðningur inn á heimili.
- Kostnaður vegna mála sem fara fyrir umdæmisráð (þó ekki fastur rekstrarkostnaður ráðsins).
- Bakvakt barnaverndar.

Greiðsla vegna þjónustunnar skal endurskoðuð ár hvert miðað við íbúafjölda skv. Hagstofu Íslands í janúar ár hvert. Fyrir þjónustuna á árinu 2024-2025 greiða sveitarfélögin Akureyrarbæ eftirfarandi fjárhæðir:

<del>Þalvíkurbyggð</del>	<del>kr.</del>
Eyjafjarðarsveit	kr.
Grýtubakkahreppur	kr.
Hörgársveit	kr.
Langanesbyggð	kr.
Norðurþing	kr.
Svalbarðsstrandarhreppur	kr.
Tjörneshreppur	kr.
Þingeyjarsveit	kr.

Greiðslan er af áætluðum kostnaði vegna yfirstjórnar barnaverndar og sameiginlegum kostnaði á árinu 2024-2025 og byggir á fyrirbyggjandi kostnaðaráætlun, sem sýnir útteilingu á kostnaði allra hlutaðeigandi sveitarfélaga vegna barnaverndar á svæðinu.

Akureyrarbær sendir sveitarfélögunum reikning vegna þjónustunnar ársfjórðungslega. Reikningnum skal fylgja sundurliðun á þeim kostnaði sem sveitarfélögunum ber að greiða.

Greiðslan er byggð á áætlun um kostnað við þjónustuna. Verði veruleg breyting á kostnaði, til hækkunar eða lækkunar, meira en 3% frávik frá áætlun, má taka upp kostnaðarskiptinguna.

**Gerði athugasemd [HH4]:** Þarf að skoða hvemig best er að hafa fyrirkomulag.

**Gerði athugasemd [HH5]:** Sjá pdf. skjal frá Dan sem er enn með einhverjum fyrirvörum sbr. fund okkar þann 18. nóv.

5. gr.

*Úrsögn sveitarfélags.*

Ákveði sveitarfélag að hætta aðild að Barnaverndarþjónustu á Norðurlandi eystra skv. samningi þessum skal viðkomandi sveitarfélag tilkynna það með skriflegum hætti til Akureyrarbæjar með 12 mánaða fyrirvara. Tekur úrsögn þá gildi við næstu mánaðarmót að liðnum 12 mánuðum frá uppsögn, að því gefnu að sveitarfélagið hafi greitt allan þann kostnað sem því ber, sbr. 4. gr. samnings þessa.

6. gr.

*Endurskoðun.*

Við gerð þessa samnings er miðað við ákveðnar forsendur sem auk þess koma fram í samningnum sjálfum. Samningsaðilar eru sammála um að ef þessar samningsforsendur breytast í verulegum atriðum geti þeir hvenær sem er á samningstímanum óskað eftir endurskoðun á samningnum. Skal það erindi sent skriflega til Akureyrarbæjar. Sviðsstjóri velferðarsviðs Akureyrarbæjar boðar til fundar með öðrum samningsaðilum. Sé talin þörf á endurskoðun skal unnið að breytingartillögum og málið lagt fyrir velferðarráð Akureyrarbæjar og sveitarstjórnir allra aðildarsveitarfélaga.

Ef breytinga á samningi þessum gerist þörf skal málið lagt fyrir allar sveitarstjórnir samningsaðila að barnaverndarþjónustu á Norðurlandi eystra í tvisgang auk þess skal óska eftir staðfestingu viðeigandi ráðuneytis sem fer með málefni barnaverndarþjónustu, sbr. 18. og 93. gr. sveitarstjórnarlaga nr. 138/2011.

7. gr.

*Meðferð ágreiningsmála.*

Rísi ágreiningur vegna samnings þessa skulu aðilar reyna sættir, en reynist það nauðsynlegt skal reka mál vegna samningsins, skal það rekið fyrir Héraðsdómi Norðurlands eystra.

8. gr.

*Gildistaka.*

Samningur þessi tekur gildi við birtingu hans í stjórnartíðindum eða eigi síðar en 1. janúar 2025.

Samningur þessi er ótímabundinn með 12 mánaða uppsagnarfresti hvers samningsaðila sbr. 5. gr. samnings þessar. Haldinn skal fundur árlega meðal öllum samningsaðilum, eigi síðar en 1. nóvember ár hvert til að meta samstarfið. Akureyrarbær skal boða til fundar með mánaðar fyrirvara þar sem samstarf sveitarfélagana skal rætt, sem og hugsanlegar breytingartillögur bornar upp og ræddar. Ef til breytinga kemur fer um málsmeðferðina skv. 6. gr. samnings þessa.

Af samningi þessum eru gerð ellefu samhljóða eintök, eitt handa hverjum samningsaðila og eitt til ráðuneytis sem fer með málefni barnaverndarþjónustu, í samræmi við 93. gr. sveitarstjórnarlaga nr. 138/2011.

Þannig samþykkt:

í bæjarstjórn Akureyrarbæjar dags.  
í sveitarstjórn Dalvíkurbyggðar ~~dags.~~

í sveitarstjórn Eyjafjarðarsveitar  
í sveitarstjórn Grýtubakkahrepps  
í sveitarstjórn Hörgársveitar  
í sveitarstjórn Langanesbyggðar  
í sveitarstjórn Norðurþings  
í sveitarstjórn Svalbarðsstrandarhrepps  
í sveitarstjórn Tjörneshrepps  
í sveitarstjórn Þingeyjarsveitar

dags.  
dags.  
dags.  
dags.  
dags.  
dags.  
dags.  
dags.

Dröoq